

痲疹學講義



南京中医药大学图书馆版权所有

痲症集成序

醫書自內經以來。汗牛充棟。著述代不乏人。然未有說及痲痘兩科者。蓋以上古無此病。至漢征西域。始流入中國。前賢立說開方。各本內經所載。瘡瘍痛癢皆屬於熱以治。詎知瘡瘍之毒由後起。痲痘之毒自先天。後人間有說及。亦祇一二條附於篇尾。卒未見成集全書。惟痘自宋眞宗時。峨嵋山人相傳種苗一法。化凶爲吉。金鑑所載。種法極詳。加以張遜玉種痘新書。發明更透。迨道光間。西人傳授。引種牛痘。不避風。不禁口。不服藥。孩兒嘻笑如常。萬無一失。眞是保赤妙手。又何事乎痘方痘書哉。夫人生未經出痘。父母均爲顧慮。恐其天札。而痲之或出或不出。漠不關心。殊不知痘之所係固重。而痲之殺人。變症百出。爲禍尤烈。古書未有專家。一旦臨症。或參以治痘方藥治之。誰辨夫痘發於五臟。痲發於六腑。分陰分陽。主血主氣。寒熱殊其治。前後異其方。固大相徑庭哉。吾里朱載揚先生。字克璵。號丹山。渾厚謹愨人也。博通經史。邑中名諸生。目擊夫赤子患痲之險。待命甚

般。於是歷數十寒暑。搜輯方書。辨症詳明。抄彙一編。條分縷晰。吾女前患痲症險閔。蒙先生數劑。立起沉疴。因以知先生治痲之見解。老更彌精。時人皆以痲仙稱之。昔范文正公有言曰。士君子不爲良相。則爲良醫。吾嘗有粵東聽鼓之暇。粗究金匱素問等書。非爲糊口計也。恒念爲人子者不可不知醫。知之而可以省身。可以保家。可以濟世。庚申在粵。奉檄解貢晉京。不幸先皇父見背。未及親侍湯藥。而抱恨終天。今讀禮歸里。得一頁方。恒製藥普送以救急。習聞先生有手輯痲症一部。竊心也慕之。奈實是書者。幾同吉光片羽。私爲枕中之秘。光緒己卯春。獲原本於留程橋林君雪厓而借閱之。其看症則辨明氣候。其治法則窮究根原。其下藥則酌定後先。其食飲則剖分禁忌。取古人之成方。而以平生所歷驗之症運化之。庶幾盲者可以就道。危者可以轉安。此誠先生拯嬰之美意。濟世之苦衷也。廼商諸先生之族孫湘芷。同爲參校。再加增註。分訂四卷。顏曰痲症集成。實足補千百年醫書所未備。適值宗祠增修家乘。隨付剞劂氏。排印百部。分送諸友。俾家得一編。按方調治。

定然獲效。將來由邇及遠。重爲付梓。以廣其傳。則不惟先生之選著可垂不朽。抑亦普天之嬰孩。共沐其庥矣。爰贅數語於簡端。以誌緣起焉爾。

時光緒五年歲在屠維單闕壯月

同里月坡王鏡瀾謹書

痲症集成再版序

痘疹痲斑。種有四而類別爲二。陸續漸出。自小而大。或稀或密。部位顆粒有辨者痘也。一齊發出。大者如蘇子。次者如芥子。小者如蠶子而成粒成片者。疹也。最細而碎。如蚊迹之模糊者痲也。無粒可分。紅紫成片。如錦如雲者斑也。痘爲陰毒。發於五臟而主血。疹痲斑爲陽毒。發於六腑而主氣。故痘爲一類。疹痲斑爲一類。雖名疹子、名瘡子、名痧子、名綽子、名膚瘡、名糠瘡、名赤瘡、名粹瘡、名溫疹、名痲疹、四方之俗稱不同。而其證則一。蓋痘毒本於肝腎。出於中下二焦。痲毒由表邪不解。內犯太陰陽明。病在上中二焦。痘喜溫暖。痲喜清涼。痘由先天之毒。而痲由後天之邪。故痘所發皆在小兒。痲雖小兒居多。少壯皆有。因天行不正之氣。內應於手足太陰陽明二經

而外合於皮毛。故以春夏爲順。秋冬爲逆。以其一遇風寒。勢必難出而多變證也。然則痲與痘。類既不同。治亦迥異。豈可一概論乎。庸流不察。每因古人痘疹二字連稱。遂誤爲同類。而以治痘之法治痲。致禍不旋踵而至。誠不如不藥爲中醫也。抑知古人非以二證歸於一類。蓋古時痘證危於痲證。因而重痘輕痲。故治痲之方法略而未詳。致使後人無所宗法。我國自宋以來。發明種苗之法。有清中葉。海禁初開。歐風東漸。西法傳種牛痘。化險爲夷。得免幼孩之夭殤者。歲不僅以萬計。痲證雖收斂稍易於痘。而甚者變態多證。勢極凶危。且痘屬陰。其勢緩。死生之判尙在成漿。痲屬陽其勢烈。存亡之機定於方出。古今來治痲獨少專科。是大憾事。羅田萬氏之刻。論症論治理透法精。其以右手一指。分別陽證見陽脈。陰證見陰脈。以定吉凶。存亡之要。可謂探驪得珠。此外如徐東臬張路玉龔雲林金川洪金鼎皆有論說。然總不如朱丹山先生所著之書。彙諸說而集大成。舉凡察形觀色。按風土氣候。辨寒熱遲速前後出沒。及危證變症。選列各方。至詳至備。苟能家置一編。隨時披閱。臨證按方施治。誠拯嬰之至寶也。吾友王君卓夫。曾與吾談及

昔年長君偶患痲症。爲誤於醫藥所殤。欲求善本以廣流傳。爲斯世嬰兒造福。乃善念所生。願無不遂。果得是書。歷次印行。社會咸受其賜。近因爭覩爲快。所印不敷所求。擬續印數千冊。廣爲濟世而問序於余。余佩王君之慈善爲懷。誠心保赤。又何敢以不文辭。因書數語於其端。以爲赤子同登壽域慶。

庚申夏至後七日癩園傅崇猷識於浙江中醫專門學校

痲症集成再版序言

嗟乎。普世嬰兒患痲症者。予不知各地歲殤幾千萬人也。惜行政警察。無確實之調查。未由統計耳。老友王君卓夫。其長子殤於痲。予之小女曾罹此厄。去年曹友俠僧。只舉一子。亦患是症。延醫服藥。卒不獲救。彼此皆由寄迹他鄉。不克按照痲書。躬親治療所致。言念及之。能無悲痛。而予所最爲可悲可痛者。莫如曹友俠僧。先失愛兒。繼賦悼亡。今夏曹子。竟因急症而逝。斯人斯疾。哀悼無已。由是而觀。則痲症善本。不可不廣爲流傳也明矣。王君有鑒於此。覓得朱丹山先生所著痲書四卷。不敢自秘。一再印行。俾保赤子。推己及人。厥功無量。鄙人服膺是書。稱爲

三傑。妙在痲症無須診脈。只要察形觀色。隨機應變。即可決其順逆吉凶。此傑出一也。看痲疹發時。按風土氣候。寒熱遲速。應用何藥。書中俱開載明白。查閱便知。凡痲疹前後。出沒變症。形勢莫測。是書條辨詳明。製方穩妥。皆屬屢試神效。此傑出二也。是書博採各家醫書。詳加考訂。逐一分條。彙爲一編。洵爲痲科之大備。此傑出三也。考之丹山先生。精痲科學。當時妙手回春。群稱痲仙。名譽大噪。今王君刊傳是書。行見爲醫者。得此學術。以福幼兒。何一不可博痲仙之盛名哉。第痲症之名各方不同。在京師呼爲溫疹。河南呼爲籽瘡。山西陝西呼爲糠瘡。山東福建廣東廣西雲南貴州四川俱呼爲疹子。江南呼爲痧疹。浙江呼爲瘡子。湖廣江西俱呼爲痲疹。又呼爲疹子。聞人氏呼瘡疹。雖四方之命名有別。其實皆一痲也。調治之法自無各異。予恐世人因方語不同。不知痲症之病狀如何。遂視此書爲無關要也。用特說明俗呼病名。俾人人咸知是書。爲保赤慈航。蓋痘痲二症。爲嬰兒生死一大關鍵。痲與痘相似而實不同。工於治痘者。未必工於治痲何也。痘科有專家相傳。而痲科素無名師授鉢。痘科有成書可考。而痲科則無秘本行

世。醫家臨症。往往束手。大方脈以其爲嬰孩也。而委之兒科。兒科又以其類痘瘡也。而委之痘師。世俗不察。遂謂痘瘡相似。治痘之醫卽可以治瘡。而痘師因未得瘡症傳。本無所取法。遂以治痘之法治之。一誤再誤。所在皆然。無形殺人。甚於刀兵。凡嬰孩之瘍於瘡者。僉以爲命數實然。而不知皆由醫者不得其方之誤。爲父母者不知購求瘡書之誤也。須知瘡痘爲嬰孩必有之症。何可不思患而預防。家庭醫學。尤爲人人所當研究。丹山先生所著瘡書。無異爲嬰兒福星。醫界明燈。凡爲父母及業兒科者。所不可不備之寶書也。鄙人身受苦痛。故剴切陳詞以誌感慨。今幸是書廣傳。得以救濟社會。爰樂爲說明是書之內容。俾世人共傳而寶之。

民國八年十一月

餘姚友丞徐有成識於寧波衛生公會

麻疹學講義重纂小言

古來麻疹一科。鮮有專書。前三序中。已談及矣。茲不贅述。瘡與痘二者。乃兒童必罹之證。換言之。人生至少亦須患染一次。故此二症狀病變治療方藥。除

兒科醫生與大方脈醫生。須詳細研究外。爲人父母。平時亦須習得梗概。以免發病之初。不但不知看護方及飲食起居宜忌。且因瘡之將出證狀與外感證狀大同少異。遂誤認爲感冒。而不提早從醫診療。以致變病百出。終而斷送兒命。蓋瘡之生死判在將出之先。與痘之生死判在灌漿之後爲異。故兒之死於瘡者多。死於痘者少也。且痘之一證。不第早有專書。西醫亦已發明豫種痘苗爲之豫防。可謂痘證一科已有完璧矣。獨瘡科至今尙鮮有專書。鮮有完善治療方藥。余留學中。屢有抱憾及此。故常於課餘之暇。輒往舊書店裏。檢搜關於瘡疹醫書。一日更搜得瘡疹集成一書。遍閱其內容。頗爲精詳實用。余愛讀之。每於臨證之時。照證用其方。輒效如桴鼓。更益信是書有絕大之價值。是以不敢自私。願公同好。以福兒命。惟是書雖有證有方。然方藥不附於證例之下。另集於卷末。臨證頗難檢取。余因重纂其方之番號。以便檢索。遂編入爲本報之講義集中。故另命名曰瘡證學講義。計本書自光緒五年初鐫至今已上五梓。

昭和八年七月 黎人識於臺灣漢醫藥研究室

瘰癧學講義目錄

瘰癧比較論	三	三論	形色	四	二一論	謔語	一八	瘰癧痘症辨	三
瘰癧寒熱氣候前後出沒	三	四論	咳嗽	四	二二論	咬牙	一九	彙纂瘰癧問答捷訣九條	三
用藥辨廿六條	三	五論	出汗	四	二三論	唇燥	一九	總論治瘰癧詞二首	三五
瘰癧確論	七	六論	噴淚	五	二四論	舌裂	一九	正期治瘰癧論藥詞十首	三五
醫家心法	七	七論	嘔吐	五	二五論	口氣	一九	瘰癧後發病論藥詞七首	七
張路玉瘰癧總論	八	八論	泄瀉	五	二六論	舌胎	一九	治瘰癧詩併前後方藥	二六
龔雲林瘰癧說	一〇	九論	傷目	五	二七論	口疳	一九	治瘰癧餘邪詩並方藥	三一
瘰癧輕重不治要訣	一〇	一〇論	發不出	六	二八論	腹痛	二〇	治婦女瘰癧歌	三三
不治正歌	一〇	一一論	透表	六	二九論	便秘	二〇	選集經驗治瘰癧方	三三
五絕症	一一	一二論	不透表	六	三〇論	溺瀉	二〇	一表	方
諸穢飲食宜忌	一一	一三論	沒早	七	三一論	痢疾	二〇	二表	標方
用藥宜忌	一二	一四論	難沒	七	三二論	下蟲	二〇	三正期主治方	三三
治瘰癧便要藥	一二	一五論	口渴	七	三三論	沉睡	二二	四正期目疾方	三七
瘰癧牙疳有五不治症	二二	一六論	喘急	八	三四論	不食	二二	五正後主治方	三七
瘰癧總論	二三	一七論	氣促	八	三五論	鼻扇	二二	六瘰癧後主治方	三九
瘰癧治例四十條	二三	一八論	聲啞	八	三六論	胸高	二二	七瘰癧後瀉痢方	四〇
一論發熱	二三	一九論	搥搦	八	三七論	身冷	二二	八牙疳主治方	四一
二論部位	二三	二〇論	鼻衄	八	三八論	妊娠	二二	九瘰癧後腫脹方	四二
					三九論	虛羸	二二	十瘰癧發癢方	四二
					四〇論	瘰癧瘡	二三	跋一跋二跋四	四三

麻疹學講義編輯凡例

一本講義脈訣未載。以麻疹無須診脈。只要察形觀色。隨機應變。即可決其順逆吉凶。

一本講義博采各家醫書。詳加考訂。逐一分條。彙爲一編。洵爲麻疹科之大備。市街村庄大小出麻。倘按症而照方施治。無不奏效。故特爲先付梓。以公同好。

一看麻疹發時。當按風土氣候寒熱遲速。應用何藥。書中俱開載明白。查閱便知。

一麻疹前後出沒變症。形勢莫測。本講義條辨詳明。製方穩妥。皆就古人所經驗及己所歷試者。著之於篇。

一講義中間答詩歌各篇。每症均附丹方。內有與症相合者即放心照方服藥。慎勿以平淡無奇。偏執臆見以誤人。

一婦女麻疹。與乳兒出疹。用藥不同。婦女有經胎孕之異。乳兒有稟受厚薄之分。看症治法。另有變通。查書照方診治。定無違誤。

一麻疹同出。麻喜清涼。痘喜溫和。看症理宜查清用藥。

何者爲始。何者爲終。切勿造次妄投。

一麻疹內中可治不可治之症極多。茲特爲隨症標明。俾閱者知其獨具隻眼。

一講義中開載食物宜忌。藥品宜禁。倘一誤用。禍患匪淺。

一前後應用各方。古人百試百驗。對症服藥。均有次序不淆。切勿自作聰明妄行增減。或誤聽庸醫更換。一治麻用藥。宜緩宜急。當隨處留心。不可遲誤以取禍。

一方藥未載分錢兩數。孰輕孰重。惟在臨症者臨時斟酌耳。

一各方名目多件。增減大同小異。未易記清。如遇急症。宜帶書查對照症照方服藥。定能獲效。幸勿自詡高明。草率開方。

一講義中丸丹各方。一時難以製備。願業是者當先製就以救世。獲福無窮。

光緒己卯八月 留餘主人謹識

一講義中諸方。各於其下記載番號。以便於臨症時。快速查得。

昭和八年七月 黎人謹補

瘰癧學講義目錄

瘰癧比較論……………	三	三論 形色……………	四	二一論 謔語……………	一八	瘰癧痘症辨……………	三三
瘰癧寒熱氣候前後出沒		四論 咳嗽……………	四	二二論 咬牙……………	一九	彙纂瘰癧問答捷訣九條三	
用藥辨廿六條……………	三	五論 出汗……………	四	二三論 唇燥……………	一九	總論治瘰癧詞二首……………	三五
瘰癧確論……………	七	六論 嘔淚……………	五	二四論 舌裂……………	一九	正期治瘰癧論藥詞十首……………	三五
醫家心法……………	七	七論 嘔吐……………	五	二五論 口氣……………	一九	瘰癧後發病論藥詞七首……………	三七
張路玉瘰癧總論……………	八	八論 泄瀉……………	五	二六論 舌胎……………	一九	治瘰癧詩併前後方藥……………	三六
龔雲林瘰癧說……………	一〇	九論 傷目……………	五	二七論 口疳……………	一九	治瘰癧餘邪詩並方藥……………	三一
瘰癧輕重不治要訣……………	一〇	一〇論 發不出……………	六	二八論 腹痛……………	二〇	治婦女瘰癧歌……………	三三
不治正歌……………	一〇	一一論 透表……………	六	二九論 便秘……………	二〇	選集經驗治瘰癧方……………	三三
五 絕 症……………	一一	一二論 不透表……………	六	三〇論 溺瀉……………	二〇	一表 方……………	三四
諸穢飲食宜忌……………	一一	一三論 沒早……………	七	三一論 痢疾……………	二〇	二表 標 方……………	三四
用藥宜忌……………	一二	一四論 難沒……………	七	三二論 下蟲……………	二〇	三正期主治方……………	三五
治瘰癧便要藥……………	一二	一五論 口渴……………	七	三三論 沉睡……………	二二	四正期目疾方……………	三七
瘰癧牙疳有五不治症……………	二二	一六論 喘急……………	八	三四論 不食……………	二二	五正後主治方……………	三七
瘰癧總論……………	二三	一七論 氣促……………	八	三五論 鼻扇……………	二二	六瘰癧後主治方……………	三九
瘰癧治例四十條……………	二三	一八論 聲啞……………	八	三六論 胸高……………	二二	七瘰癧後瀉痢方……………	四〇
一論 發 熱……………	二三	一九論 搯搦……………	八	三七論 身冷……………	二二	八牙疳主治方……………	四一
二論 部 位……………	二三	二〇論 鼻 衄……………	八	三八論 妊 娠……………	二二	九瘰癧後腫脹方……………	四一
				三九論 虛 羸……………	二二	十瘰癧發癢方……………	四二
				四〇論 瘰 瘡……………	二三	跋一跋二跋四……………	四三

麻症學講義

仙居朱載揚丹山輯著
臺灣黎人蘇錦全重纂

麻疹比較論

古謂麻卽疹也。疹出如麻成朵。痘出如豆成粒。皆象其形而名之也。夫胎毒一也。痘出於五臟。臟屬陰。陰主血。故痘有形而有汗。其症寒熱兼有也。疹出於六腑。腑屬陽。陽主氣。故疹有形而無漿水。其症多實熱無寒也。爲症既異。則治法亦殊。痘宜內實。可用補劑。疹忌內實。只宜解散。惟初發時。略相似耳。既出之後。痘則補氣以生血。麻宜補陰以制陽。何也。疹熱甚則陰分受其熬煎。而血多虛耗。故治以清火滋陰爲主。而不可少動其氣。若燥悍之劑。首尾當深忌也。世知痘症所係者重。而不知疹之殺人尤甚。方書多忽而略之。良可惜矣。

麻症寒熱氣候前後出沒用藥條辨

(一) 疹發熱之初。多似傷寒。惟咳嗽噴嚏。鼻流清涕。眼胞腫。其淚汪汪。面浮腮赤。惡心乾嘔爲異耳。但看此候卽是疹。便宜謹避風寒。戒葷腥厚味。用藥以表之。使皮膚通暢。腠理開豁。而疹毒易出也。

(二) 麻疹之發。雖曰胎毒。未有不由天行癘氣。故用藥發散。必先明其氣候。如時令溫暖。以辛涼之藥發之。防風解毒湯二六。暄熱以辛寒之藥發之。黃連解毒湯二七。大寒以辛溫之藥發之。桂枝解毒湯二八。時寒時暖以辛平之藥發之。升麻解毒湯二九。此因時用藥。不可誤作傷寒。妄施汗下。反傷天和也。又須看人虛實。如大便秘結。煩熱甚而發不出者。當以黑丑利之。吐利不止者。以參苓之類補之。經云。毋實實虛虛。損不足補有餘。傷人性命也。宜用前藥發散。而麻隨見。則毒盡解矣。若發不出。再加發之。如加味麻黃散三〇之類。外以芫荽酒糟三一蒸熱擦之。自頭至足爲齊。若出而頭面多滋潤勻淨者爲吉。若遲延日久而不能出。則腹脹氣喘。昏眩悶惡。煩躁而死矣。

(三)看麻出之法。多以耳後頂上腰腿。先其頂尖而不長。其形小而勻淨者吉也。若色兼紅者見火化也。症輕可治。化斑湯五主之。人參白虎湯四〇佐之。如色白者此血不足也。養榮湯四二解之。或四物湯去生地加柴胡黃芩乾葛牛蒡紅花連翹之類。滋陰涼血。此謂養陰退陽之義也。亦是五死一生之症。外如大青湯四三元參解毒湯八二皆可選而用之。若黑色者則熱毒尤甚。亦爲十死一生之症。此更不可不辨。莫混爲施治也。

(四)疹表後。紅影出而肌膚成片。切戒風寒生冷。如一犯之。肌膚閉塞。毒氣壅滯。遂變爲渾身青紫。而毒反內攻。煩躁腹痛。氣喘悶亂。諸症作矣。欲出不出。危亡立至。醫者其可忽諸。

(五)疹已出而反沒者。乃風寒所逼而然也。若不早治。毒成內攻。必致癢場壘而死。急用消毒飲五八合升麻解毒湯二九熱服。則可復出矣。

(六)發熱之時。偏身汗出。此毒從汗散。元府開。麻易出也。有鼻出血者。此毒從血解也。俱不可遏止之。若汗出太多。血流不出。此又火盛逼迫太過。致液妄流。血妄行矣。急以當歸六黃湯三五

去黃芪加浮小麥以止汗。茅花湯三四加元參百草霜以止血。遲則汗出多而元氣虛。血出多而精神散。爲不治症也。

(七)發熱之時。或嘔吐或自痢或滯下者。此火邪內逼。毒氣上行則吐。下行則痢。甚則裏急後重而爲滯下也。吐者竹茹石膏湯三六去半夏加黃連木通江枳殼當歸人參治之。少則大黃微利之。不然。不如用四苓散爲妥。

(八)發熱之時。未有不口渴者。用綠豆燈芯炒米湯飲之。人參白虎湯四〇佐之。以生津解渴而已。若恣飲冷水。恐成水蓄之症。若水入於肺爲喘爲嗽。宜用葶藶以洩肺中之水。水入於脾爲脹爲自痢。水於胃爲嘔爲噦利。宜用猪苓澤瀉茯苓以洩脾胃之水。水入於心爲悸爲驚。宜用赤苓木通以通心下之水。水入於肝爲脇痛。左脇痛者屬肝經。右脇痛者還當屬肺。臨症須問明白。用芫花以洩肝水。水入於腎與膀胱爲小便不利爲陰囊腫。用車前木通以洩膀胱之水。俱當從症治之。

(九)麻出之時。咽喉腫痛。不能飲食。此毒火沸鬱上薰咽喉也。宜用甘桔湯加元參牛蒡連翹主之。更

以千金散或玉鎖匙一二六吹之。切勿妄用針刺出血也。

(一〇) 痲出之時。咳嗽口乾心煩。此毒在心肺。發未盡也。瀉白散一〇加花粉連翹元參川連以瀉心或黃連杏仁湯七三主之。

(一一) 痲出之時。自痢不止或瀉穢水頻數者。最爲惡候。但要審其痲。若遍身稠密太盛。或紫色或紅色。甚者則又不妨。蓋毒在大腸。非泄瀉則鬱遏不解。惟用平胃散一六四加葛根連翹以解之。余按此方不妥。不如任其自瀉爲佳。若痲一發透。依期收去。自然瀉止。如痲未收。而用譚子肉蔻等澀滯之藥以止瀉。則變爲腹脹痞滿喘急不治之症矣。

(一二) 痲發出。常以六時卽收爲度。如子後爲陽午後收。午後爲陰子後收。乃陽生陰成。陰生陽成。造化自然之妙也。故漸出而漸收者其症輕。若一出之後熱不退。連綿三四日而不收者。此火毒太盛。外發未盡。內有餘邪所致。須化斑湯五三味消毒飲五八加元蔘石膏桔梗爲治。

(一三) 疹出之後。自然退熱。若遍身既出。而猶沸沸

煩熱。頻作嘔吐者。此毒尚未甚。留連於肺胃之間。宜化斑湯五主之。如大便秘者。少加大黃微利之。

(一四) 痲已收去。反渾身發熱。日夜不退。此毒未經解甚。火鬱於肌肉之間。久則毛髮焦乾。皮膚枯槁。肌肉羸瘦。爲骨蒸勞熱之症。急用蘆薈肥兒丸加膽草當歸連翹治之。遲則變爲腮面露睛。口鼻氣冷。手足厥逆。瘰癧慢驚。不治之症矣。

(一五) 痲收之後。身雖不見羸疲。但時發狂熱。煩躁不寧。搐掣驚悸。神昏志亂者。此陰血衰耗。致餘毒入肺而傳於心也。宜養血安神。四物湯加麥門冬棗仁竹葉燈心甘草菖蒲膽草茯神川連礞砂爲治。或以前藥爲末。用蒸餅猪心血爲丸服亦可。

(一六) 痲毒入胃。久而不散。致成牙根黑爛血出爲走馬牙疳。傳於兩頰浮腫。久而牙落頰腐腮破。唇缺鼻崩。爲崩砂狐惑等症。危矣。外用文蛤散五〇或雄黃散五一搽之。內用人中白蘆薈使君子膽草川連靈脂浸蒸餅爲丸。釀水服之。以清胃火。亦或有得愈者。然不多見也。

(一七) 疹出之時。曾經瀉痢。未經清解。致痲退之後。

變爲休息痢。不問赤白。裏急後重。日夜無度頻數者。此餘毒在大腸也。須分虛實治之。實者三黃丸六二利之。虛者香連丸九和之。後用黃芩湯三八、六一養血行氣治之。河間曰。養血則下痢自止。行氣則後重自除。誠哉是言也。

(一八) 癩退之後。微微咳嗽者。此餘毒未盡也。用麥冬清肺飲八三加消毒飲五八主之。若嗽甚喘氣。連聲不住名爲頓嗽。甚至飲食湯水俱噎出或咳出血者。此熱毒乘肺而然也。宜多服麥冬清肺飲加連翹主之。若見胸高如圭。肩聳而喘。血從口鼻出。擺手搖頭。面色或白或青或紅以及枯關者。皆不可治之症也。然亦有肺氣虛爲毒所遏。而發喘連聲無咳嗽。血出噎食之症者。只用麥冬清肺飲倍加入蔘治之。尤不可拘於肺熱之一端。而純用清肺解毒之藥也。

(一九) 癩退之後。聲啞不出。或咳或喘。或身熱不退。以致日久不愈者。此熱毒未盡肺金受尅故也。宜清金降火湯一一加竹瀝生薑汁主之。

(二〇) 癩退之後。飲食如常。動止亦如常。猝然心腹絞痛。遍身汗出如水者。此因元氣虛弱失於補養。

外雖無病內實虛損。偶爲惡氣所中謂之中惡。此朝發夕死之症。雙和湯六四解之。

(二一) 癩退之後。熱毒未盡或發癰毒。肢節疼痛者。以羌活散一五一微汗微利之。

(二二) 癩退之後。餘熱未盡。或熱甚而失血者。犀角地黃湯八四合解毒湯或四物湯加茵陳木通犀角之類以利小便。使熱氣下行而後愈也。

(二三) 癩收之後。餘熱未盡。日夜煩躁。譫語狂亂者。宜辰砂益元散一七三燈心湯下。或辰砂五苓散一七四去白朮肉桂加芩連治之。若初起煩躁譫語者。升麻葛根湯七四調辰砂益元散主之。

(二四) 孕婦癩疹。當以四物湯倍加白朮條芩艾葉養胎清熱爲主。使胎無虞而癩易沒也。如胎氣上攻。急用苧麻根艾葉少許。煎湯磨生檳榔並服之。更多服上藥爲妙。

(二五) 熱毒蒸胎。胎多受傷。但胎雖傷而母實無恙也。蓋癩與痘不同。痘宜內實。故胎落而母易亡。癩宜內虛。故胎去而母易存。然與其胎去而母存。孰若母子兩全之爲愈也。

(二六) 出癩之症。比出痘似輕。然調治失宜。其禍反

不旋踵。蓋痘由胎毒而發。其形勢多少輕重。自可預斷。至於疹雖由感受邪氣而發。然輕者可重。重者可輕。皆在調治有方。故其飲食禁忌。比痘家尤甚。若誤食鷄魚。則終身皮膚粟起如鷄皮之狀。但與天行出疹之時又要重出。誤食油肉。則每歲出疹之月必然下痢膿血。誤食鹽醋致令咳嗽。則每歲出疹之月必復咳嗽。誤食五辛之物。不時驚熱。必待四十九日或百日。方可無忌也。

麻疹確論 (侶山堂類辨)

古名疹。今名瘡。疹屬後天之邪。痘乃先天之毒。先天止有水火。後天始備五行。產後發聲吮乳。肇自後天。是以發聲之時。口中有毒。卽咽下而歸於胃(陽明)故麻之毒氣。發於陽明。上達於肺。出於皮毛。肺主氣而外合皮毛。是以痘毒走於血分。而氣以化之爲順。麻毒走於氣分。而血以和之爲順。若走於血分而見雲頭紫赤斑者逆也。麻乃氣分之毒。更速於痘。若傷留於胃則爛牙根。阻滯於肺則爲鼻扇喘急。發表疏理。清熱解毒。在良醫臨症。而妙於用耳。夫氣爲陽、血爲陰。痘乃精血中毒。故應四時之生長收藏。以合地支之

數。疹乃氣分之毒。是以一日三烹。三而三之。以應陽九之數。痘發於陰。故宜頭面稀疏。不喜獨參陽位。麻發於陽。故喜大烹頭面。不宜惟在心胸。此人之陰陽血氣。應天地自然之道也。男玉師問曰。相傳痘先出而疹後出者爲順。如疹在痘先。後要復出。此亦先天後天之義歟。

醫家心法

痧卽疹子。又名瘡子。準繩云。痧初起用升麻葛根湯七四合瀉白散一〇加牛蒡桔梗荊芥連翹薄荷等。尤爲至當。次日標形顫鼻。多者最吉。以其清陽喜上升也。第二日葛根可去。惡其開肌腠而耗津液也。若熱甚勢重。前湯必合白虎湯八五。黃芩花粉之類斷不可少。若服藥後而熱愈甚者。正毒達之故也。得大汗而毒自解矣。若略見標而不見形者。此爲痧毒不透。後必防疳。宜從養陰治。甘露飲一二七主之。必多服乃效。亦從汗解。屢有應驗。

又有一等少兒。乳疹一日可解。不必循三日九潮之說。此以清火爲主。兼解可也。緣小兒稟質尙弱。神氣有限。如遇粗工。不審虛實。發散過多。常致正氣虛脫

而不可救者多矣。

有痧毒痰喘甚者。雖用石膏川連。如水淋石。安知痧毒痰火壅結上焦之故。宜用瓜蒌霜只殼花粉金沸草等清痰清火。如狹氣虛者加人蔘立應。如痰氣壅盛者可用牛黃珍珠散八〇。痧症腹痛者乃毒鬱於陽明故也。宜服升麻川連石膏之類。若毒鬱於太陽。以桔梗開之。痧症多泄瀉。慎勿止瀉。惟用升麻葛根川連甘草則泄瀉自止矣。

痧家忌瀉。瀉則陽明之邪熱得解。是表裏分消之義也。痧後泄瀉及便膿血。皆由熱邪內陷。大忌止瀉。

宜升散。仍用升麻葛根湯七四加川連扁豆。若便膿血加滑石必愈。痧症不宜依症施治。惟當治本。本者手太陰足陽明兩經之邪熱也。解其邪熱則痧症自退矣。

吃乳小兒。尚未出痘。有患疹者。名曰奶疹。不可與治正疹同法。今之兒醫。皆不諳此。往往誤人。辛巳六月。疹症盛行。沿門比戶壞者累累。余家患此者大小有七八人。如稚兒未週歲。發熱咳嗽。兒醫亦作疹。辛涼透發。凡三四日。皮腠間若有若無。遂認為皮裏隱調症也。危言相恐。更用大涼大發。且禁吃乳。未知何故。余亦不言。以事出門。抵暮方歸。見其啼聲

不出。面青顙陷。四肢與鼻尖俱冷。忙捧至懷細視之。頭向余胸似覓乳狀。視其脈極微。息止二三至。急呼與乳。任其飽吮。面色稍和。肢體微溫。顙亦略起。但哭竟無聲。少頃大瀉如水。急投附子理中湯始得安臥。次早熱退而疹亦不見矣。連服溫補半月。啼聲始出。兒醫之子所患大略相同。余以此法告之施治。勉其連進參附湯藥。無如渠竟惑於家學不信余言。反以為荒唐之說。其兒竟以寒涼致斃。嗟乎。執滯者流。不但誤人兼且誤己。始終自以為是而不之悔。甚為可憫。所以行醫者。當虛心博覽。隨時隨地隨症細心體會。然後出而應世。庶幾得少誤耳。

張路玉先生痲疹總論

痲疹者。手足太陰陽明二經蘊熱所發。小兒居多。大人亦時有之。是亦時氣傳之類。其發熱時。多咳嗽。多嚏多嘔。眼中多淚。面浮腮赤。多瀉多痰。多渴多熱。多煩悶。甚則躁亂咽痛。唇焦神昏。通身紅赤。起而成粒。勻淨而少。斜目視之。隱隱皮膚之下。用手摸之。磊磊肌肉之間。其形若疥。其色若丹。以其陽氣從上。故頭面愈多者順。法當清涼發散為主。藥用辛

散以升發之。涼潤以清解之。切忌酸收。凡動氣燥悍及一切溫補之藥。慎不可犯。誤用禍不旋踵。辛散如荊芥薄荷前胡葛根麻黃石膏鼠黏子。涼潤如元參瓜蒌根玉竹麥冬甘草岑連貝母連翹竹葉皆應用之藥。又當從所發月時。量兒大小及見症輕重而爲制劑。若漸出漸收者。其勢雖輕。而熱尚未平。須防喘急。若連綿三四日者。其勢雖盛。而熱已發泄。必無他變。宜大青湯四三或消毒飲五八加元參石膏麥冬竹葉。若發熱時。偏身汗出或衄血者。此毒解也。勿遽止之。若汗出太多血流不止。當以清肺湯八六去款冬杏仁加麻黃根以斂汗。犀角地黃湯八四以止血。遲則氣虛神耗爲難治也。若發熱時。或嘔吐或自痢者。此火邪內逼毒氣上下行也。俱宜清熱解毒利小便。切勿止瀉。大凡疹症發熱時。未有不渴者。但當與綠豆燈心湯。勿與冷飲致成水蓄。多生變幻也。卽葷腥酒麵生冷水菜。咸須禁之。麻疹多有熱痰在肺。初發時必咳嗽。宜清熱透表。不得止嗽。麻後咳嗽切忌辛溫酸澀。但用清咽滋肺湯八七以清餘熱。痰壅自愈。多喘者熱邪壅肺也。切勿定喘。惟宜大劑竹葉石膏湯四一去半夏加貝母元參薄荷。如冬天寒甚。麻毒爲寒鬱於內不得透出而

喘。加密酒炒麻黃一劑立止。夏月熱勢甚者卽用白虎湯八五加竹葉。忌升麻。誤用必喘。然喘爲肺氣壅逼。故喘必兼嗽。而張口擡肩者。肺竅不通。不治也。故諺云喘而咳嗽者可治。喘而不嗽者難醫。又其症多泄瀉。慎勿止瀉。惟宜芩連葛根則瀉自止。疹家忌瀉。瀉則陽明之邪熱得解。是亦表裏分消之義。又有疹收之後飲食如常。猝然心腹絞痛遍身冷汗如水者。此元氣虛弱而中惡氣也。朝發夕死。勿妄治之。凡麻疹以鮮明似錦爲吉。黑晦如煤最凶。頭面不出者重。紅紫黯慘者重。咽喉腫痛不食者重。黑闇乾枯一出卽沒者不治。鼻扇目張無神者不治。鼻青糞黑者不治。牙疳臭爛者不治。疹之牙疳最爲難治。外用無比散吹之。內服加味清胃散一八二更加荊芥石膏。緩則不救矣。又麻有夾痘而出者。此毒太甚。故一齊涌出。不必治疹。但當把痘爲主。然治痘宜溫。治麻宜涼。此又不可不審。大人男婦出麻。當與外感並治。惟清涼解表。從天時寒暑施治。凡麻痘並作。臟腑風熱交患也。麻乃風邪外感。痘爲胎毒內發。發者相雜。赤量發揪。多有誤認痘出太密。而謾之不救。殊不知其爲疹夾痘也。當以化斑湯五相續並進。麻毒解而痘自起矣。

再痲又有一種行漿疹子。勢似痘。最難看。然痘則必有頂盤。疹雖有漿而顆粒必不堅。盤根必無紅暈也。疹後痘不結痂。乃元氣虛損。當大補脾胃爲主。不可誤認邪熱未盡。復與清熱退火之藥也。

痲疹說

(彙增龔雲林同春集)

痲疹乃六腑腸胃之熱蒸於肺。外感內傷併發。與痘表似同實似異。初熱三日出脹共三日。出而又沒。沒而又出。一週時許。重者遍身綳脹。眼亦封閉。有赤白微黃不同。仍要紅活。最忌黑陷。面目胸股稠密。咽喉攢纏者逆。發不出而喘者即死。與癰疹相似。又與發斑相似。如錦紋如雲頭狀。痲即如麻。遍身無空。但疎密不固耳。仍有夾斑夾丹夾瘡同出者。用藥宜解肌。忌大汗潮熱。當用芩連骨皮。謔語用辰砂六一散。咳嗽加炙麻黃杏仁石膏桔梗。泄瀉宜四苓散。便血宜犀角地黃湯八四。衄血加梔子炭。小便赤加木通。寒熱似瘧小柴胡湯。已出而煩燥作渴解湯毒一二三。合白虎湯八五。喘便秘加枳殼大黃。溺閉導赤散一二八。狂亂解毒湯。喘兼瀉瀉瀉柴苓湯。熱盛乾嘔宜解。如傷食嘔吐四君子湯一四九。夏月因暑作嘔四苓散。忌豆蔻薑

桂。若沒後餘熱內攻。循衣摸床。謔言妄語神昏者死。如熱輕餘毒未除。必先見諸氣色。宜預防之。始終以升麻葛根湯七四爲主。隨症選用。仍忌魚腥葱蒜之物。醫者可不謹歟。

痲疹輕重不治要訣

或熱或退五六日而後出者輕。發透三日而漸靨者輕。淡紅滋潤頭面勻淨多者輕。頭面不出者重。紅紫暗燥者重。咽喉腫痛不食者重。冒風沒早者重。移熱大腸變痢者重。黑暗乾枯一出即沒者不治。糞青變黑者不治。鼻扇口張目無神者不治。氣喘心前吸者不治。頭冷如冰脚冷過膝者不治。目睛上吊者不治。遍身無汗天庭一片汗出如水者不治。

不治症歌

察色觀形可豫商。斑疹死生症細詳。鼻頭珠汗兼魚口。氣喘胸高命必殃。白睛灌入瞳神內。擺手搖頭命不常。顛門陷腫昏難治。忽作鷄聲乃即亡。滿口頑痰喉中塞。吐瀉加喘促難當。疹毒下痢成休息。緊口滑腸怎生醫。痲毒牙疳走馬瘡。唇口臭爛食難當。口瘡聲啞齒肉落。

破頰穿喉旦夕亡。熱多餘邪最作殃。幾曾見此病狼獾。一時癘氣傳相似。疫鬼頻催赴北邙。瘦熱如麻體多蒸。百般用藥只不侵。癘法從來解在頭。現形毒消即免憂。腹若脹痛邪伏內。喘急昏煩命必休。咳嗽聲啞面又青。定是黃梁夢裏人。皮膚血色無滋潤。毒邪壅盛急難清。喉如拽鋸齟齬响。口吐沫水見閻王。牙似枯骨應難救。搖頭肝風目無光。

五 絕 症

面青目陷、肝氣絕。頭偃於後、面上青筋、心氣絕。面目四肢腫、大小便不禁、脾氣絕。面白鼻入奇輪、魚口氣粗不返者、肺絕。面黑耳黃、呻吟不動者、腎絕。肝藏血、目乃肝之外應、爪甲青黑、血脈不蔭、目無光、兩手抱頭、是肝絕也。心生血、舌乃心之外應、舌短則言不明、血不流行、身不溫煖、顙門凹凸作坑、是心絕也。脾統血、唇乃脾之外應、唇縮而不蓋齒者、是脾絕也。肺主華蓋、鼻乃肺之外應、孔乾黑燥、面色黑闇者、是肺絕也。腎主瞳人、腎乃骨之主、目青齒癢咬牙者是腎絕也。

以上各症。臟腑俱敗、榮衛相離。氣脈不生。皆不治之症。卽有救之。不過十之一二而已。

諸穢飲食宜忌

凡癘痘謹戒穢物入房。禁止臭惡感觸。其癘輕者作痛作癢。變而爲重。重者癢塌搔抓。以致燥亂煩悶而死矣。故房內外常要燒蒼朮大黃。以避不正之氣。但二藥氣味惡劣。不可使疹兒聞之。更不可焚燒諸香。使香助火透入關節。所以禁忌。

一忌房事最毒。如犯者以大棗燒烟解之。二忌吃酒。犯者以茵陳葛根燒烟解之。三忌五辛。犯者以生薑燒烟解之。四忌屍氣尿糞。犯者以蒼朮大黃燒烟解之。五忌狐氣甚於犬羊。犯者以楓樹毯燒烟解之。六忌烈風暴雨。犯者以楓樹毯解之。七忌生產月經。犯者以大棗燒烟解之。八忌米燒糠燒薰冲出疹之人。九忌葷腥諸菜。夫穀氣能通。肉氣多滯。葷腥皆能滯毒。十忌食生菓。菓生則難化。物冷則能伏水。水伏不化。猶風寒秘於毛竅。毒乃留滯於中。何由發透。

用藥宜忌

一忌驟用寒涼。疹雖熱症。不宜用辛熱藥。然初熱時。虛實未形。輕重未見。亦不得遂投以苦寒之藥而攻。